

## AUGLÝSING

### um breytingu á deiliskipulagi iðnaðarsvæðis á Hvaleyrarholti vegna Grandatraðar 5, Hafnarfirði.

Bæjarráð Hafnarfjarðar samþykkti í umboði bæjarstjórnar breytingu á deiliskipulagi iðnaðarsvæðis á Hvaleyrarholti, á fundi sínum þann 11. janúar 2000.

Breytingin varðar tilfærslu á byggingareit á lóðinni nr. 5 við Grandatröð.

Tillagan var auglýst samkvæmt 2. mgr. 26. gr. skipulags- og byggingarlaga nr. 73/1997 með síðari breytingum og yfirfarin af Skipulagsstofnun.

Bæjarstjórn Hafnarfjarðar lýsir því yfir að bætt verði sannanlegt tjón er einstaka aðilar verða fyrir við breytinguna.

Breytingin öðlast þegar gildi.

*Hafnarfirði, 9. febrúar 2000.*

F.h. Hafnarfjarðarbæjar,

**Hafdís Hafliðadóttir** skipulagsstjóri.

7. febrúar 2000

Nr. 95

## REGLUGERÐ

### um friðun hrygningarporsks á vetrarvertíð 2000.

#### 1. gr.

Frá kl. 20.00 9. apríl til kl. 20.00 15. apríl 2000 eru allar veiðar óheimilar á svæði fyrir Suður- og Vesturlandi, sem að austan markast af línu sem dregin er réttvísandi 90° frá Stokksnesi og að vestan af línu sem dregin er réttvísandi 250° frá Skorarvita. Frá línu réttvísandi 90° frá Stokksnesi að línu réttvísandi 270° frá Garðskagavita markast svæðið að utan af línu, sem dregin er í 4ra sjómílna fjarlægð frá fjörumarki meginlandsins. Þaðan markast ytri mörk svæðisins af línu, sem dregin er um punkta í 4ra sjómílna fjarlægð í tilgreindar réttvísandi stefnur frá eftirgreindum stöðum:

- |                              |                               |
|------------------------------|-------------------------------|
| 1. 270° frá Hjörsey          | 5. 360° frá Öndverðarnesvita  |
| 2. 180° frá Malarrifsvita    | 6. 360° frá Töskuvita við Rif |
| 3. 270° frá Tröllakirkju     | 7. 250° frá Skorarvita        |
| 4. 270° frá Öndverðarnesvita |                               |

#### 2. gr.

Frá kl. 20.00 15. apríl til kl. 10.00 24. apríl 2000 eru allar veiðar óheimilar á eftirgreindum svæðum:

1. Fyrir Suður- og Vesturlandi á svæði sem að austan markast af línu sem dregin er réttvísandi í austur frá Stokksnesi og að vestan af línu sem dregin er réttvísandi 250° frá Skorarvita. Frá Stokksnesi markast svæðið að utan af línu sem dregin er í 12 sjómílna fjarlægð frá viðmiðunarlínu í punkt í 12 sjómílna fjarlægð réttvísandi suður frá Lundadrangi. Þaðan er línan dregin í punkt 63°08'0 N og 19°57'0 V og þaðan í 4ra sjómílna fjarlægð réttvísandi suður frá Surtsey í punkt í 5 sjómílna fjarlægð réttvísandi suður frá Geirfugladrangi. Þaðan er línan dregin í 5 sjómílna fjarlægð utan við Geirfugladrang í punkt 64°43'7 N og 24°12'0 V og þaðan í

64°43'7 N og 24°26'0 V og síðan í punkt í 24,3 sjómílna fjarlægð 250° réttvísandi frá Skorarvita.

2. Fyrir Suðvesturlandi á svæði sem að austan markast af 21°V, að sunnan af 63°05'N og að vestan af línu sem dregin er réttvísandi í suðvestur frá Reykjanesaukavita.

3. gr.

Frá kl. 20.00 9. apríl til kl. 10.00 24. apríl 2000 eru allar veiðar bannaðar innan þriggja sjómílna frá fjörumarki meginlandsins fyrir Norður- og Austurlandi frá línu réttvísandi norður frá Horni að línu réttvísandi austur frá Stokksnesi.

4. gr.

Þrátt fyrir ákvæði 1.-3. gr. eru veiðar á grásleppu, innfjarðarækju, hörpudiski ígulkerum og kúfiski heimilar þeim sem tilskilin leyfi hafa til þeirra veiða innan svæðisins.

Þá er og heimilt að stunda rauðmagaveiðar á grynna vatni en 10 föðmum á innanverðum Faxaflóa, innan línu sem dregin er frá Markakletti á Hraunsnesi vestan Straumsvíkur, í 6-baujuna, þaðan í Brekkuboðabauju og síðan um Andriðsey í land.

5. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands. Með mál út af brotum skal farið að hætti opinberra mála.

6. gr.

Reglugerð þessi er sett samkvæmt ákvæðum laga nr. 79, 26. maí 1997, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

*Sjávarútvegsráðuneytinu, 7. febrúar 2000.*

**Árni M. Mathiesen.**

*Jón B. Jónasson.*

## AUGLÝSING

### um umferð í Reykjavík.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðið að hámarkshraði verði 30 km/klst. á eftirtöldum götum:

- |                               |                                 |
|-------------------------------|---------------------------------|
| 1. Brúnir:                    | Austurbrún                      |
| Kleppsvegur austan Dalbrautar | Vesturbrún                      |
| Sporðagrunn                   | Dyngjuvegur                     |
| Selvogsgrunn                  | Hólsvegur vestan Langholtsvegur |
| Jökulgrunn                    | Dragavegur                      |
| Brúnavegur                    | Ásvegur                         |
| Kleifarvegur                  | Kambsvegur                      |
| Norðurbrún                    | Hjallavegur                     |